



LEIÐBEININGAR FYRIR WIDEX-FA tæki

Til að tryggja að þú fáið sem besta nýtingu á heyrnartækinu þínu biðjum við þig að lesa eftirfarandi leiðbeiningar gaumgæfilega. Heyrnartæki eru viðkvæm fyrir ýmiss konar hnjaski og því þarf að meðhöndla það með varkárni. Hér að neðan er yfirlitsmynd er sýnir helstu hluta heyrnartækisins.




1. Hljóðnemaop
2. Hnappur
3. Rafhlöðuskúffa
4. Hægri/vinstra merki

Hægri = rautt
Vintri = blátt



Kveikt og slökkt

- Rafhlöðuskúffan er jafnframt rofi til að kveikja og slökkva á tækinu.
- Kveikt er á tækinu þegar rafhlöðuskúffan er alveg lokuð. Þá nær tækið straumi frá rafhlöðunni. Slökkt er á tækinu með því að bregða nøgl á hakið aftan á skúffunni og toga hana aðeins út þá rofnar straumurinn frá rafhlöðunni (sjá mynd hér til hægri).
- Munið að slökkva alltaf á tækinu þegar tækið er tekið úr eyranu.



Rafhlöðutegund

- Nota á rafhlöðu nr. **312** (Zinc Air rafhlaða). Umbúðirnar bera brúnan lit.
- Þegar búið er að fjarlægja límmiðann af rafhlöðunni geta liðið nokkrar sekúndur þangað til hún fer að virka. Notið hverja rafhlöðu þangað til viðvörunarpípið heyrir.
- Komið getur fyrir að rafhlöður séu gallaðar. Prófið þá að setja nýja í.
- Geymið tækið og sérstaklega rafhlöður þar sem lítil börn ná ekki til.
- **Ef barn gleypir rafhlöðu þarf strax að leita læknis.**



Rafhlaðan sett í tækið

- Rafhlöðunni er komið fyrir í rafhlöðuskúffunni.
- Flestar rafhlöður eru með lítinn + á slétta fletinum þar sem límmiðinn var. Sú hlið rafhlöðunnar á að snúa út.
- Ef rafhlöðuskúffan lokast ekki ljúflega situr rafhlaðan ekki rétt í skúffunni.
- Athugið að setja rafhlöðuna í rafhlöðuskúffuna en **ekki inn í tækið sjálft**.
- Ágætis venja er að meðhöndla tækið alltaf yfir borði / mjúkum fleti. Tækið þolir illa að detta á hart gólf.




Ending rafhlöðunnar:

- Fjórir stuttir píptónar eru merki um að rafhlaðan sé nánast tóm og komið að rafhlöðuskiptum. Ef rafhlaðan er að fullu tæmd heyrir ekkert í tækinu.
- Geymið ekki ónýtar rafhlöður í tækinu.

Að koma tækinu fyrir í eyranu

Á skýringamyndunum hér til hægri er sýnt hvernig best er að koma hlustarsykkinu fyrir í eyranu og heyrnartækinu bakvið eyrað. Best er að hafa slökkt á tækinu meðan verið er að koma tækinu fyrir. Ef kveikt er á tækinu gæti það pípt þar til það er komið á réttan stað inni í hlustinni.



Til þess að hlustarstykkið renni betur inn í hlustina getur verið ráð að toga eyrað eða eyrnasnepilinn með annarri hendinni um leið og hlustarstykkinn er ýtt inn í hlustina með hinni. Ef tækið pípí eftir að hlustarstykkið er komið í eyrað er rétt að endurtaka ísetninguna. Þegar hlustarstykkið er komið inn í eyrað er heyrnartækinu sjálfu brugðið bak við eyrað.

Hnappur

Styrkstillir


Hægt er að hækka og lækka í tækjunum með hnappinum sem er á tækinu. Hægri takkinn hækkar á meðan vinstra tækið lækkar.

Kerfisstilling

Einnig er hægt að velja að vera með mismunandi kefi í tækjunum og þá er hnappurinn notaður til að skipta á milli kerfa.

Hreinsun

Eyrnamergur er ein algengasta ástæða þess að heyrnartæki starfar ekki eins og ætlast er til. Við daglega notkun eru líkur á að mergurinn þrýsti sér inn í hlustarstykkið og loki því fyrir eðlilega leið hljóðsins. Til að verjast þessu vandamáli er nauðsynlegt að þvo hlustarstykkið reglulega. Á myndaröðinni hér fyrir neðan sést hvernig þetta er gert. Gott getur verið að láta stykkið liggja í volgu sápuvatni yfir nótt og burstu það síðan. Áður en stykkið er tengt við tækið aftur þarf að blása vel í gegnum hljóðrásina (hægt að blása í gegnum slönguna). Athugið að skipta um slönguna ef hún er orðin stíf.



1. Losið hlustarstykkið frá tækinu

2-3. Hreinsið hljóð- og loftrásir með pinna

4. Leggið hlustarstykkið í bleyti eða rennandi volgt vatn

5. Blásið vatnið úr rásunum

Ýmis vandamál

EINKENNI	ÁSTÆÐUR	LAUSNIR
Tækið virkar ekki	Slökkt er á tækinu Rafhlaðan er ónýt. Hlustarstykki stíflað Tækið stillt á T-spólu(Tónmöskva)	Kveiktu á tækinu settu nýja rafhlöðu í tækið, passaðu að rafhlaðan snúi rétt. Hreinsið hlustarstykkið. Stillið tækið á M stillingu.
Hljóðstyrkurinn ekki nógu hár	Mergur í hlust Breyting á heyrn	Farið til læknis Hafið samband við lækni eða Heyrnar- og talmeinastöðina
Flaut eða ýl í tækinu	Tækið situr ekki rétt í eyranu. Mergur í hlust	Settu tækið betur inn í eyrað. Farið til læknis.

Símar:

Þegar talað er í síma með bak-við-eyrað heyrnartæki þarf hátalarinn í símtólinu að liggja við hljóðnema heyrnartækisins. Misjafnt er eftir símtækjum hvað styrkurinn er mikill og hversu nákvæmlega símtólið þarf að liggja upp að heyrnartækinu.



Meðhöndlun heyrnartækja

Heyrnartækin duga lengur ef þau eru meðhöndluð á réttan hátt. Heyrnartæki á að meðhöndla af varfærni eins og hvert annað verðmæti.

Hér eru nokkur ráð til að tækin endist lengur.

- Þegar tækin eru ekki í notkun þá eru þau geymd í kassanum sem fylgdi þeim þegar þau voru keypt. Geymið kassann þar sem börn ná ekki til.
- Einnig er mikilvægt að heimilisdýr, eins og t.d. hundar og kettir komist ekki í tækin, þau laðast að lyktinni og geta eyðilagt tækin á nokkrum sekúndum.
- Ekki láta tækið verða fyrir alltof miklum hita eða raka.
- Notið ekki tækið í geislameðferð t.d. stuttbylgjum, röntgen, sneiðmyndatökum og þess háttar og heldur ekki við notkun hárlásara eða hárúða.
- Ekki fara með tækið í sturtu/bað eða sund.
- Slökktu á tækinu þegar það er ekki í notkun. Ef ekki á að nota tækið í lengri tíma (nokkrar vikur/ mánuði) er betra að taka rafhlöðuna úr tækinu. Passið að setja rafhlöðuna rétt í tækið (sjá skýringamynd á fyrstu síðu).
- Fjarlægið tækið úr eyranu ef úða á t.d. hárlakki eða öðrum efnum í hárið.
- Tækin eru gerð úr efni sem veldur sjaldnast ofnæmisviðbrögðum, þó er ekki hægt að útiloka slíkt.
- Þegar heyrnartæki er notað eykst oft mergsöfnun í hlustinni og mergtappi myndast. Leitið til læknis ef grunur er um að svo sé.